

8. april 2014

UPA 2014/45
Nikolaj Jeremiassen

Nunalerinerup iluani imminut pilersorneq siuarsarneqarsinnaaqullugu 2015-imut aningaasanut inatsisissami 5 mio. kr.-inik immikkoortitsinissamik Naalackersuisut sulissuteqaqqullugit Inatsisartut aalajangiiffigisassaattut siunnersuut. (Inatsisartunut ilaasortaq Aqqaluaq B. Egede, Inuit Ataqatigiit)

Siumumiit imatut imatut oqaaseqarfigissavarput

Siumup anguniarpaa nunatsinni annertunerusumik sutigut tamatigut imminut pilersorneq nerisaqarnikkut, uumasuuteqarnikkut imminut pilersorsinnaanerup annertusarnissaa.

Nunatsinni inuussutissanik imitsinnut pilersornerulernissarput siuarsarumallugu siunnersuuteqartoq Anigaasanut Inatsimmi 2015-mut 5 mio. kr.-nik immikkoortitsinissamik siunnersuuteqarpoq.

Siumumiillu siunnersuuteqartoq isumaqatigaarput suliffissatigut periarfissat nutaat aqquitsiuukumallugit naatitsinermik inerisaanikkut annertusaasoqartariaqartoq.

Siumut isumaqarpoq peqqissaartumik suliassaq suliarineqassappat 2013-mi Naalackersuisut nunalerineq pillugu ataatsimiititaliarsuarmik pilersitsillutik suliakkiissutaat siunnersuummut matumunnga utaqqimaarunneqartariaqartoq ataatsimoortumik pisariaqartitsinerlu tamakkiisumik qulaajaaffigalugu suliarineqartariaqarmat.

Naalackersuisut saqqummiussinissaannut ilangullugu nalilersorneqassasoq, nunatsinni nammineq inuussutissatigut pilersornerulernissamat ineriartortitsineq aallartilluareersoq qanimut Naalackersuisut malinnaaffigigaat akissuteqaammi oqaatigaat siunnersuut tungaviatigut tapersersornartuummat partiillu tamatta nunatsinni inuussutissatigut annertunerusumik imminut pilersornissamat suliniuteqarnerput ataatsimoorfigigatsigu qularutissaangi-laq.

2015-mut Anigaasanut Inatsimmut 5 mio. kr.-nik immikkoortitsinissamik Naalackersuisut sulissuteqaqqullugit Inatsisartut aalajangiiffigisassaattut siunnersuut tunngaviatigut taper-serlugu Naalackersuisut ataatsimiititaliarsuup nalunaarusiaanik inaarsarneqartumik nalilersuinissamat siunnersuut manna qaqeqqinneqassasoq innersuussinemat tusaatissatut tigullugu siunnersuut taamatut isikkoqartillugu akuersaanngilarput, Naalackersuisullu akissuteqarnerattut nunalerineq pillugu ataatsimiititaliarsuup inassuteqaataanut atatillugu qaqeqqinneqarsinnaanera ajoriffissaqartinnagu.

Siumumiit taamatut oqaaseqarfigalugu nunalerineq pillugu ataatsimiititaliarsuup nalunaarussiaa saqqummiunneqarpat oqalliseqataanissatsinnut qilanaarpugut.